

2942

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove




Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina

CANTON SARAJEVO Bosnia i Hercegovina
Cantonal Administration for Inspection Issues

Broj: 14-02-04-03083/21
Sarajevo, Juli 06.2021.godine



SKUPŠTINA KANTONA SARAJEVO
(Na pažnju predsjedavajućeg Elvedina Okerića)

PREDMET: *Odgovor na zastupničku inicijativu pokrenutu od strane zastupnice Danijele Kristić, dostavlja se;*

VEZA: *Zastupnička inicijativa broj: 01-04-25258-4/21 od 18.06.2021.godine*

Vašim aktom broj i datum veze, zaprimljen dana 24.06.2021.godine, dostavili ste na nadležno postupanje Kantonalnoj upravi za inspekcijske poslove Kantona Sarajevo zastupničku inicijativu koje je pokrenula zastupnica Danijela Kristić, na 38. Radnoj sjednici Skupštine Kantona Sarajevo, održanoj dana 17.06.2021.godine, a koja glasi:

"Ovim putem podnosim inicijativu da se u sklopu Kantonalne uprave za inspekcijske poslove izvrši prijem inspektora za sport, koji će vršiti nadzor nad radom udruženja.

Obrazloženje:

Prema Zakonu o sportu KS član 58. regulisano je da inspekcijski nadzor u sportu vrši putem inspektora za sport. Obzirom da inspektora za sport koji bi trebao biti pri Ministarstvu kulture i sporta nema od 2018.godine, te da nije izvršen ni jedan inspekcijski nadzor do danas, smatram da se u što skorije vrijeme treba riješiti ovaj propust. Također smatram da inspektor za sport ne treba biti pri ministarstvu kulture i sporta nego u sklopu KUIP-a."

U odnosu na navedenu zastupničku inicijativu dajemo slijedeći

ODGOVOR



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Kantonalna uprava za inspekcijske poslove je razmotrila i spremna je inicijativu uvažene zastupnice Danijele Kristić prihvatiti, uz neophodne prethodne izmjene dva zakona koja se odnose na ovu oblast i to:

1. Odredbe člana 58. i 61. stav (2) Zakona o sportu ("Službene novine Kantona Sarajevo" broj 45/12 – prečišćeni tekst) u kojem je riječ: "Ministarstvo", potrebno zamijeniti riječima: "Kantonalna uprava za inspekcijske poslove";

2. Odredbe člana 16. i 20. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo" broj 2/12 – prečišćeni tekst i br. 41/12, 8/15, 13/17, 50/20, 51/20 ispravka i 14/21), i to:

- u članu 16. (iz djelokruga Ministarstva kulture i sporta) brisati riječi "i poslove inspekcije za sport";

- u članu 20. (iz djelokruga Kantonalne uprave za inspekcijske poslove) stav 2. u tački n) brisati riječ: "i", a iza tačke o), dodati riječ: "i" i tačka p) koja glasi: "p) inspekcija za sport."

Nakon izmjena ovih Zakona stvorile bi se pretpostavke za izmjenu unutrašnje organizacije i sistematizacije Kantonalne uprave za inspekcijske poslove, te kroz izmjenu Pravilnika o unutrašnjoj organizaciji i sistematizaciji bi se stekli uslovi za popunjavanje radnog mjesta inspektora za sport u Kantonalnoj upravi za inspekcijske poslove.

Inspektor za sport, bi obavljao poslove koji se odnose na: inspekcijski nadzor, odnosno provođenje Zakona o sportu i propisa donesenih na osnovu ovog zakona, kontrolu postupanja fizičkih lica i organizacija u oblasti sporta, utvrđivanje ispunjenosti uslova za obavljanje sportskih aktivnosti i djelatnosti i utvrđivanje ispunjenosti uslova za vršenje poslova stručnog osposobljavanja za sportska zanimanja, odnosno zvanja, praćenje stanja i izradu analiza, informacija i obavještenja iz djelokruga inspekcije za sport tj. oblast sporta i druge poslove iz djelokruga inspekcije za sport.

Inspektor za sport Kantonalne uprave za inspekcijske poslove Kantona Sarajevo bi vršio upravne i stručne poslove inspekcijskog nadzora, u cilju osiguranja izvršavanja zakona i drugih propisa i općih akata iz svoje nadležnosti, a naročito:

- vršenje inspekcijskih poslova iz nadležnosti kantona u oblasti kulture i sporta, uključujući i one koji su, prvobitno, zakonom stavljeni u nadležnost Ministarstva kulture i sporta Kantona Sarajevo;
- poduzimanje upravnih i drugih mjera u obavljanju inspekcijskog nadzora;
- donošenje programa i planova obavljanja inspekcijskog nadzora;
- vršenje inspekcijskih nadzora nad sportskim udruženjima, i drugim udruženjima koji obavljaju sportske djelatnosti u skladu sa Zakonom o udruženjima i fondacijama;
- vođenje evidencija o obavljanju inspekcijskog nadzora;
- podnošenje izvještaja o svom radu Vladi Kantona, resornom Ministarstvu i drugim organima, u skladu sa zakonom;
- obavljanje i drugih upravnih i stručnih poslova, u skladu sa zakonom i drugim poslovima;



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)


Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrenе bb

- obavljanje dopunskih poslova osnovne djelatnosti i poslova pomoćne djelatnosti za potrebe Ministarstva kulture i sporta Kantona Sarajevo;
- ostvarivanje saradnje sa drugim inspekcijama, upravama za inspeksijske poslove, drugim organima državne službe, pravnim licima, udruženjima, sredstvima javnog informisanja i građanima, u pitanjima od značaja za efikasno provođenje propisa;
- vršenje drugih poslova koji se odnose na inspeksijski nadzor i u vezi sa nadzorom.

Inspektor za sport treba posjedovati visoku stručnu spremu, pravni fakultet ili fakultet u oblasti javne uprave, najmanje tri godine radnog iskustva u struci.

S poštovanjem,



DIREKTOR

Aais mesic

Dostavlja se:

- 1. Predsjedavajući Skupštine Kantona Sarajevo*
- 2. Sekretar Skupštine Kantona Sarajevo*
- 3. Sekretar Vlade Kantona Sarajevo*
- 4. a/a*



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb